



DOMOWINA

Naćisk protokola

5. (rjadneho) posedženja Zwjazkowego předsydstwa Domowiny

- datum:** pjatk, 20.05.2022
- čas:** 17.02 hodž. – 19.40 hodž.
- městnosć:** Žurla Serbskeho domu w Budyšinje
- přitomni na městnje:** D. Statnik, M. Hančik, W. Bejmak, J. Bělk, M. Brycka, B. Cyž, D. Dyrlich, M. Funka, F. Grajcarekec, K. Grofa, M. Michałkowa, M. Młynkowa, L. Žurec-Pukačowa, A. Hiccyna a D. Wowčerjowa wot 17.10 hodž.
- digitalnje přitomni:** L. Dučmanowa, K. Ela, M. Mark, W. Janhoefer wot 17.10 hodž., Jan Clausen wot 17.50 hodž., Mila Libšowa wot 18.23 hodž.
- zamołwjeni:** H. Leipner, B. Bělk, M. Hasacky, D. Maticowa, F. Ričel, F. Albertowa
- njezamołwjeni:** J. Dünnbierowa, G. Šejn, B. Sćapan
- hosćo na městnje:** J. Šołćina, M. Di Sarnowa, Janek Wowčer (SN), C. Škoda, M. Šusterowa
- digitalnje:** J. Kahlowa, M. Końcaf, B. Melcher, M. Brauman

0.

Zahajenje posedženja

wotewrjenje a powitanje / zwěšćenje přitomnosće a zamołwjenjow / zwěšćenje wobzamknjenjakmanosće / schwalenje dnjoweho porjada / zwěšćenje zajatosće

Wot cyłkownje 30 člonow zwjazkowego předsydstwa je 16 přitomnych = 53 %, wot 17.10 hodž. 19 přitomnych = 63 %

Z tym je wólbokmanosć zaručena.

Wobzamknjenje čo. 39 z dnja 20.05.2022:

Dnjowy porjad posedženja Zwjazkowego předsydstwa so schwali.

za namjet: 16	přećiwo namjetej: 0	so hłosa wzda: 0
---------------	---------------------	------------------

Namjet so z tym přiwza.

Zajatosć so njezwěsći.

1.	Informacije a rozprawy			
1.1.	<p>Informacije k aktualnemu stawej přihotow wurjadneje hłowneje zhromadźizny Domowiny</p> <p>M. Di Sarnowa poda informacije:</p> <ul style="list-style-type: none"> • přeprašenja a podložki su so dypkownje wupóstali • poslednje delegatne mapy so džensa tu na městnje rozdžela • organizatoriske přihoty su w dalokej měrje wotzamknjene, za transport do Choćebuza dyrbja so delegaća na kóždy pad w sekretariaće přizjewić • po zhromadźiznje su wšitcy k wječeri a na program přeprašeni (wotewrjenje wustajeńcy „Serbske wuměłce - Serby we wuměłstwje“) <p>D. Statnik doda:</p> <ul style="list-style-type: none"> • Hladajo na to, zo su tučasnje zaso zarjadowanja bjez wobmjezowanjow móžne, přewjedže so zhromadźizna w prezency. To rěka tež, zo njejsu žane přidatne techniske přihoty za hybridne posedženje a digitalne wothłosowanje trěbne. Z tuteje přičiny je so městnosć na Choćebuz změniła. 			
2.	Wobzamknjenja			
2.1.	<p>Aktualny naćisk změny wustawkow Domowiny Předłoha ZP 41/2022</p> <p>Předsyda předstaji z prezentaciju naćisk za změny wustawkow. Přeni krok bě wothłosowanje z towarstwami a župami, na to je prezidij předłohu wudželať. Nowe namjety su so na zakładže žadanjow a pokiwow towarstwoweho registra zestajeli. D. Statnik rozložil jednotliwe změnjene dypki.</p> <p>M. Hančik da pokiwo, zo měť so art. 8 dypk 49 hišće raz na gramatiku pruwować.</p> <p>J. Bělk so praša, hač je w art. 8 dypk 49 wopisane rjadowanje, zo je zastupowanje přez jednu wosobu móžne, powšitkownje plaćace.</p> <p>D. Statnik: To móže towarstwo same rozsudzić; to njeje změna, ale so jenož rozšěri.</p> <p>M. Hančik namjetuje, zo dyrbjať D. Statnik dypk 2.1.-5 (jednotliwe wothłosowanje kóždeho z 13 artiklow) hišće wujasnić. W tutym zwisku wobsteji tež prašenje, što woznamjenja “materiela změna”.</p> <p>D. Statnik wujasni, zo su to wšitko změny, kotrež njejsu redakcionelneho razu. Při wšěm pak njesmě so změna wot poprawneho rozsuda wotchileć. Wón budže so z tutym prašenjom hišće raz zaběrać, wšako móhlo so wone tež na wurjadnej zhromadźiznje stajić.</p> <p><u>Wobzamknjenje č. 40 z dnja 20.05.2022:</u></p> <p>Zwjazkowe předsydstwo bjerje předležacy naćisk změny wustawkow na wědomje. Zdobom doporuči delegatkam a delegatam 21. wurjadneje hłowneje zhromadźizny, změny wustawkow schwalić.</p> <table border="1" data-bbox="300 1917 1369 1957"> <tr> <td>za namjet: 19</td> <td>přećiwo namjetej: 0</td> <td>so hłosa wzda: 0</td> </tr> </table> <p>Namjet so z tym přiwza.</p>	za namjet: 19	přećiwo namjetej: 0	so hłosa wzda: 0
za namjet: 19	přećiwo namjetej: 0	so hłosa wzda: 0		

2.2.

**Změna jednanskeho porjada – rjadowanje nastupajo njezjawne protokole ZP
Předłoha ZP 40/22**

Dotalne rjadowanje jednanskeho porjada koliduje z hybridnym wašnjom posedzenjow. Njeje móžno njezjawny protokol člonam, kotřiž so digitalnje wobdžela, za čas posedzenja spřistupnić. Tak wobsteji zastatk 1,5 lěta a wjacore wotewrjene njezjawne protokole předleža.

Za wothłosowanje ma znajmjeńša položca na městnje přitomna być.

Wustawki art. 7 prawniskim předpisam wotpowěduja.

W jednanskim porjedže steji, zo mataj so protokolej za wobaj dželej pisać.

Dypkaj 9.5. a 9.6. dyrbať so změnić. Njezjawny protokol měť so jenož kontrolować a móhť so potom w Nextcloud wotkłaś.

D. Dyrlich: Što woznamjenja digitalny přistup?

D. Statnik wujasni, zo měli so njezjawne protokole runja zjawnym protokolam w přichodže w Nextcloud składować a so na samsne wašnje (digitalnje abo z póštu) člonam do posedzenja sposrědkować.

W. Bejmak: Kotre informacije bychu so zhubili?

D. Statnik: Žane. Po jednanskim porjedže dyrbja so jenož rozsudy a wuslědky protokolować.

M. Hančik doda, zo ma kóždy člon prawo, swoje měnjenje zwuraznić a do protokola zapisać dać. Hdyž so podložki hakle po jednym lěće kontroluja, móže drje so lědma něchtó dopomnić, hač je to w tej formje prajiť. Dale namjetuje, slowo “njezjawny” w namjeće šmórnyć a jenož formulować na “přichodnym posedzenju ZP”.

17.50 hodž. Jan Clausen so digitalnje wobdželi >>> 20 přitomnych

Wobzamknjenje č. 41 z dnja 20.05.2022:

Zwjazkowe předsydstwo wobzamknje změnu swojeho jednanskeho porjada w paragrafje 9, dypk 5 a dypk 6.

Nowa formulacija dypkow 5 a 6 rěka:

(5) Sobustawam změrcowskeho wuběrka ma so na žadanje protokol pod dohladom w zarjedže spřistupnić.

(6) Protokol njezjawneho džela kontroluje so na přichodnym posedzenju zwjazkowego předsydstwa.

za namjet: 20	přećiwo namjetej: 0	so hłosa wzda: 0
---------------	---------------------	------------------

Namjet so z tym přiwza.

2.3.

**Doporučenja kulturneho wuběrka Domowiny na Założbowu radu při
naćisnjenju twarskeje koncepcije Serbskeho foruma wědy
Předłoha ZP 42/2022**

Doporučenja kulturneho wuběrka Domowiny su so założbowej radže sposrědkowali.

Předłoha člonam ZP pisomnje předleži a referent Domowiny **C. Škoda** skrótka hišće někotre mysle k tomu poda.

D. Statnik wupraji kulturnemu wuběrkej chwalbu za wudžětanje doporučenjow. Runje tak tež **B. Cyž**, kotryž wobžaruje, zo cyłkowny dokument člonam założboweje rady njepředleži. Wutoru, 24.05.2022, wotměje so přichodne

posedženje rady, na kotrymž budže so wo tym řečec. Hišće su wjacore dypki wotewryjene. Cyłkowny proces dyrbi so konstruktivnje wjesć a běžne wothłosowanje budže trěbne. Wón měni, zo dyrbjała Domowina při tym koordinacisku funkciju přewzać.

Jeli so Domowinje tutón nadawk dowěri, potom je po mēnjenju **C. Škody** tež mandat trěbny, zo móht so wliw wukonjeć. Wažna je dobra kooperacija.

J. Bělk pokaza na to, zo je to hižo druha legislaturna perioda, w kotrejž so ZP z kulturnym herbstwom zaběra. Jeho zajimuje, kotru legitimaciju ma Domowina, wěste namjety podać? Wón měni, zo dyrbja so zamołwitosće formulować. Kulturny wuběr pak to jako tak směrodajny projekt njemóže přewzać. Cyłkownje pak je zwjeselace, zo su so wjacori z tym zaběrali a zo su so přeća a předstawy pisomnje zjimali.

B. Cyž k tomu praji, zo so doskónčna wotmołwa na to njemóže dać, dokelž njeje konkretna wosoba za přesadženje hišće pomjenowana.

D. Statnik hišće raz wuzběhny, zo njeje při tym prašenje twara to přenjozradne, ale dalše wobstaće małych muzejow a zdžerženje imaterielneho kulturneho herbstwa. Nadawk twara měł w zamołwitosći založby zwostać. Domowina měla so skerje wo diskusiju nastupajo hódnoty muzejow a herbstwa prócować.

M. Hančik poda namjet za redakcionelnu změnu.

Wobzamknjenje č. 42 z dnja 20.05.2022:

Zwjazkowe předsydstwo Domowiny přiwza doporučenja kulturneho wuběrka Domowiny na Založbowu radu za naćisk twarskeje koncepcije Serbskeho foruma wědy.

za namjet: 17	přećiwo namjetej: 0	so hłosa wzda: 3
---------------	---------------------	------------------

Namjet so z tym přiwza.

3. Rozprawa předsydy Domowiny, prezidija Domowiny a člonow zwjazkowego předsydstwa wo džěławosći třěšneho zwjazka mjez posedženjomaj zwjazkowego předsydstwa

Přehłady wo džěławosći člonam ZP předleža.

Bj. Cyž skedźbni na zjawny list k modusej plaćenja žurnalistow. Domowina dyrbjała so tež tam angažować, zo bychu so džěłowe městna w serbskim medijowym wobłuku zaručili.

J. Šoćina zdžěli, zo list Domowinje njepředleži.

D. Statnik so mēnjenju B. Cyža přizamknje, dokelž je njewotwisny žurnalizm za serbsku politiku a zjawnosć jara wažny. To wotpowěduje tež politiskemu narokej Serbow.

4. Naprašowanja člonow Domowiny a hosći k serbskim naležnosćam

Naprašowanjow njeje.

5.	<p>Schwalenje protokola 4. (rjadneho) posedzenja z dnja 25.03.2022</p> <p><u>Wobzamknjenje č. 43 z dnja 20.05.2022:</u></p> <p>Protokol 4. (rjadneho) posedzenja z dnja 25.03.2022 so schwali.</p> <table border="1" data-bbox="300 392 1356 436"> <tr> <td>za namjet: 14</td> <td>přečiwo namjetej: 0</td> <td>so hlōsa wzda: 6</td> </tr> </table> <p>Protokol so z tym pīwza.</p>	za namjet: 14	přečiwo namjetej: 0	so hlōsa wzda: 6
za namjet: 14	přečiwo namjetej: 0	so hlōsa wzda: 6		
6.	<p>Informacija k aktualnym aspektam džěławosće zarjada Domowiny a Rěčneho centru WITAJ</p> <p>Nawjazuju na rozprawu předsydy doda J. Šolćina, zo so tuchwilu terminy kopja a wobdžělenje so njemóže w kóždym padže zaručić. Wopyt člonow prezidija ZP w Zwjazkowym sejmje w Berlinje je dobry zakład za nawjazanje kontaktow. Wona je so zhromadnje z C. Škodu na zarjadowanjomaj w Legnicy a Wrocławju wobdžěliła a nazhoniła ze stron pólskich zastupjerjow wulku džakownosć za kontakt k Domowinje.</p> <p>Dale pokaza wona na to, zo je wažne, džěło towarstwow w jednotliwych regionach zaso aktivizować a towarstwa při jich prócowanjach podpěrać. J. Šolćina informuje člonow ZP wo tym, zo stej so ze stron Domowiny dvě próstwje na załožbu za projektaj w zwisku ze strukturnej změnu zapodałoj.</p> <p><i>18.23 hodž. M. Libšowa so přidruži. >>> 21 přítomnych</i></p> <p>Zastupuju dr. Brězanowu poda B. Melcher rozprawu wo džěławosći RCW.</p> <ul style="list-style-type: none"> • wšelake zarjadowanja su so w DŁ přewjedli • džěłowy material za “BOOKii” pisak je so dale rozšěrił • planowane je, zo budže delnjoserbska wersija “sotry” w septembrje online • w Budyšinje wotmě so rěčny camp, kotryž bě jara derje wopytany a wuspěšny • hornjoserbska “sotra 2.0” so dale rozšěri • Serbski gymnazij přihotuje swjedžeń, na kotrymž budu so tež zastupjerjo RCW a załožby wobdžělić. 			
7.	<p>Aktualna debata člonow zwjazkowego předsydstwa</p> <p>Ničo njepředleži.</p>			
8.	<p>Wšelčizny a informacije</p> <ul style="list-style-type: none"> - J. Šolćina: wot 01.07.22 so pozdatnje gospodarjenje zmóžni, wuchadžejo z toho, zo so etat w Zwjazkowym sejmje wobzamkne. - Za lěčny swjedžeń 08.07.22 pola M. Kowarja prosy so wo bórzomne přizjewjenje w sekretariaće. - M. Michałkowa informuje, zo je TCM nowe předsydstwo wuzwoliło. - D. Dyrlich přeprosy na koncert chóra Lipa 22.05.22 w Pančicach. - M. Funka pokaza na koparski turněr D-młodžiny, kotryž wotměje so srjedu, 25.05.22 w Slepom. 			

- D. Statnik: pjatk, 27.05.22 so w Slepom serbske mustwo za EUROPEADU předstaji.

Přestawka 18.32 do 19.00 hodź.

Přizamknje so njezjawny džěl.

Po protokolu prezidija z dnja 08.02.2017 maja so informacije zasadnje pisomnje a dočasne člonam prezidija posředkować. Po protokolu ZP z dnja 29.04.2017 ma so posedženski čas gremijow na 4,5 hodžin wobmjezować a měło so posedženje najpozdzišo 22:00 hodžin skónčić.

protokol: Michaelis Šusterowa

přehladałoj: Dawid Statnik, Madlenka Di Sarnowa